



Liječnička/Ljekarska Komora Hercegovina – neretvanske županije/kantona

Medical Chamber of Herzegovina-Neretva Canton

88000 MOSTAR, Ul. Dr. Bariše Smoljana br. 4

Tel/fax: +387(0)36 319 853

E-mail : lijecnicka.komora.hnz@tel.net.ba

Broj: 46 / 18

Mostar, 17.02.2018. godina

Zdravstvenim ustanovama HNŽ/Ž

Predmet: Zaključci Konferencije „Kako zaustaviti negativan trend provođenja obaveznog programa cijepljenja/vakcinisanja u HNŽ/K“

Poštovani,

Provođenje obaveznog programa cijepljenja u svijetu predstavlja najuspješniju javnozdravstvenu mjeru prevencije zaraznih bolesti stanovništva, koja je spasila i spašava više ljudskih života nego li bilo koja medicinska intervencija kroz istoriju. Sve to je rezultiralo značajnim unapređenjem zdravlja i kvalitete života stanovništva. Poštujemo Deklaraciju Ujedinjenih naroda (UN) iz 1959. godine o pravima djeteta te „Konvenciju o pravima djeteta“ usvojenu na Glavnoj skupštini UN-a 20. novembra 1989. godine, države potpisnice Konvencije moraju jamčiti svakom djetetu pravo na život i razvoj u svim vidovima života uključivši tjelesni, emotivni, psihosocijalni, kognitivni, društveni i kulturni. Svako dijete ima pravo na život i zdravlje kao blagodat ovog svijeta i nitko, pa ni roditelj, nema pravo djetetu to uskratiti.

Slijedom toga, ustavna obveza Bosne i Hercegovine (BiH), a time i FBiH i HNŽ/Ž, je da štiti zdravlje ljudi, osobito djece, priznajući djetetova prava na uživanje najviše moguće razine zdravlja koje je garantirano zdravstvenim osiguranjem, uključujući i preventivnu zdravstvenu zaštitu.

Nažalost, zadnjih godina smo svjedoci negativnog trenda obaveznog programa cijepljenja/vakcinacije u FBiH, pa tako i u HNŽ/K, što je zabrinjavajuće za sve javnozdravstvene institucije i zdravstvene radnike. Za istaknuti je kako je ukupni obuhvat za većinu od 10 zaraznih bolesti iz obaveznog programa cijepljenja/vakcinacije progresivno opadao zadnjih godina i trenutno iznosi ispod 60%. Posljedno tome, iznimno je velika mogućnost pojave epidemija zaraznih bolesti za koje smo mislili da su iskorijenjene.

Danas, kada živimo u XXI. vijeku, svjedoci smo brojnih preispitivanja o važnosti prevencije zaraznih bolesti, ne samo među stanovništvom, nego i među medicinskim zaposlenicima.

Da je cijepljenje važno u prevenciji zaraznih bolesti nažalost potvrđuje trenutna epidemija ospica u Srbiji koja je do sada rezultirala sa šest smrtnih slučajeva i sa preko 2200 oboljelih. Imajući u vidu navedenu epidemiju u susjedstvu i dramatičan pad cijepnog obuhvata u HNŽ/K, u suradnji s Medicinskim fakultetom, organizirali smo Konferenciju „Kako zaustaviti negativan trend u provođenju obaveznog programa imunizacije u HNŽ/K“. Konferenciji je prisustvovalo preko 150 ljekara-specijalista

Predsjednik: prim.dr. Mehmed Haznadar

Podpredsjednik/dopredsjednik : doc.dr.sc. Antonio Sesar

Račun kod Raiffeisen Bank d.d. BiH, filijala Mostar 1610200045190070

IDB: 4227528550001; Sudski broj : Tt-O-945/06; 2 – 294



Liječnička/Ljekarska Komora Hercegovачko – neretvanske županije/kantona

Medical Chamber of Herzegovina-Neretva Canton

88000 MOSTAR, Ul. Dr. Bariše Smoljana br. 4

Tel/fax: +387(0)36 319 853

E-mail : lijecnicka.komora.hnz@tel.net.ba

različitih grana medicine, osobito pedijataru, u čijoj je nadležnosti provođenje obaveznog programa cijepljenja, kao i brojno drugo medicinsko osoblje.

Tokom Konferencije bila su upriličena predavanja eminentnih stručnjaka iz područja javnog zdravstva, pedijatrije i nadzornog sistema sa različitim temama o važnosti obaveznog cijepljenja, dilemama pedijatra tokom cijepljenja u primarnoj zdravstvenoj zaštiti, sigurnosti i kvaliteti cjepiva te zakonskim okvirima u nadležnosti nadzornih institucija tokom provođenja obaveznog programa cijepljenja/vakcinacije u HNK/Ž. Generalni zaključak Konferencije je kako bi trebalo unaprijediti primjenu postojećih zakonskih propisa koji regulišu program obavezne imunizacije te kontinuirano ulagati u edukaciju pedijataru koji obavljaju imunizaciju u Domovima zdravlja, apostrofirajući povećanje broja pedijataru i medicinskog osoblja u Cijepnim centrima kao i sistematizaciju radnih mjesta.

U cilju poboljšanja stanja u provođenju obaveznog programa imunizacije naši prijedlozi su:

- Potrebno je hitno napraviti popis djece u svim nadležnim Domovima zdravlja HNK/Ž u proteklom sedmogodišnjem razdoblju kako bi se pristupilo docijepljivanju.
- U redovito ažuriranje kartoteke Cijepnog centra potrebno je uvesti sistematske telefonske pozive roditeljima djece koja se trebaju cijepiti.
- Ljekari/Pedijatri koji provode obavezni program imunizacije dužni su prijaviti kantonalnom inspektoratu svako dijete čiji roditelj odbija cijepljenje/vakcinaciju.
- Primarno ne uskrativši djeci zakonsko pravo na obrazovanje, kao mjera nadzora broja neocijepljene djece sva ljekarska uvjerenja za vrtić, dom, školu i druge potvrde o zdravstvenom stanju djece moraju sadržavati cjepni status do dana izdavanja potvrde.
- Dose prilikom upisa u vrtić i školu provjeri cjepni status i vodi uredna evidencija cjepnih kartona.
- Podatke o cjepnom statusu djece koja su u kolektivnim smještajima (vrtići, škole, hospitalizacije, i dr.) je potrebno pribaviti, prvenstveno radi zbrinjavanja ovako ugrožene populacije, kako bi ih se propisno izoliralo, te kako bi ih se cijepilo po hitnom postupku u slučaju izbivanja epidemija.
- U svrhu dokaza kvalitete cjepiva, Federalni zavod za javno zdravstvo je dužan poslati svim kantonalnim zavodima za javno zdravstvo, a po tome svim Cijepnim centrima dokumentaciju koja sadržava dokaz o kvaliteti i porijeklu cjepiva u vidu certifikata, te potvrdu od Agencija za lijekove i medicinska sredstva Bosne i Hercegovine.
- Neosporna je činjenica da pedijatri i ljekari koji provode cijepljenje u svom svakodnevnom poslu, nisu materijalno niti stručno beneficirani pa je razlog više da se uvede stimulacija svim ljekarima i pedijatrima te medicinskom osoblju koji provode obavezni program cijepljenja/vakcinacije, ukoliko ostvaruju cjepni obuhvat iznad 90%.

Predsjednik: prim.dr. Mehmed Haznadar

Podpredsjednik/dopredsjednik : doc.dr.sc. Antonio Sesar

Račun kod Raiffeisen Bank d.d. BiH, filijala Mostar 1610200045190070

IDB: 4227528550001; Sudski broj : Tt-O-945/06; 2 – 294



Liječnička/Ljekarska Komora Hercegovачko – neretvanske županije/kantona
Medical Chamber of Herzegovina-Neretva Canton

88000 MOSTAR, Ul. Dr. Bariše Smoljana br. 4

Tel/fax: +387(0)36 319 853

E-mail : lijecnicka.komora.hnz@tel.net.ba

- Ministarstvo zdravstva i socijalne skrbi-zaštite HNK/Ž treba poslati zahtjev svim Donovima zdravlja u HNK/Ž za sistematizaciju tačnog broja članova svih timova u Cijepnim centrima u odnosu na broj rođene djece.
- U dogovoru sa kantonalnim institucijama (ZZJZ, ZZO i MZ) te krovnim institucijama u F BiH (FMZ i ZZJZ F BiH) potrebno je uvesti trajnu edukaciju svih ljekara i pedijatarata te medicinskog osoblja, koji učestvuju u programu obaveznog cijepljenja/vakcinacije. Edukacija bi se provodila jednom godišnje u vidu radionica te bi svi timovi (kandidati) Cijepnih centara bili certificirani za rad u Cijepnim centrima.
- Potrebno je formirati Povjerenstvo za nadzor provođenja obaveznog programa cijepljenja/vakcinacije, neželjenih reakcija na cjepiva i kontraindikacija cijepljenja u HNK/Ž (pet članova-epidemiolog, pedijatar, infektolog, neuropedijatar ili fizijatar, pedijatrijski imunolog/alergolog).
- Potrebno je uvesti povećanje minimalnih kaznenih odredbi protiv onih roditelja koji odbijaju imunizaciju protiv određene zarazne bolesti.

S poštovanjem,

Predsjednik Liječničke/Ljekarske Komore HNŽ/K
Prim.dr. Mehmed Haznadar



M. Haznadar